

集部輯佚文獻彙編

翟金明 主編

國家圖書館出版社

80

集部輯佚文獻彙編

80

藝文
部
彙編

中華書局出版

(南朝梁)蕭子範撰 (明)馮惟訥輯

蕭子範

明刻《詩紀·梁》本

第八十冊目錄

別集(八十)

南朝梁(十四)

蕭子範	(南朝梁)蕭子範撰	(明)馮惟訥輯	一
蕭子範	(南朝梁)蕭子範撰	(清)嚴可均輯	七
蕭子範	(南朝梁)蕭子範撰	丁福保輯	一五
張纘	(南朝梁)張纘撰	(明)馮惟訥輯	一九
張纘	(南朝梁)張纘撰	(清)嚴可均輯	二一
張纘	(南朝梁)張纘撰	丁福保輯	四三
邵陵王綸	(南朝梁)蕭綸撰	(明)馮惟訥輯	四六
邵陵王綸	(南朝梁)蕭綸撰	(清)嚴可均輯	五〇
邵陵王綸	(南朝梁)蕭綸撰	丁福保輯	六七
蕭子雲	(南朝梁)蕭子雲撰	(明)馮惟訥輯	七〇

蕭子雲	(南朝梁)蕭子雲撰 (清)嚴可均輯	七六
蕭子雲	(南朝梁)蕭子雲撰 丁福保輯	八三
劉孝儀	(南朝梁)劉潛撰 (明)馮惟訥輯	八七
劉豫章集二卷附錄一卷	(南朝梁)劉潛撰 (明)張燮輯	九三
序		九三
目錄		九七
卷一		一〇五
卷二		一三三
附錄		一六七
劉潛	(南朝梁)劉潛撰 (清)嚴可均輯	一七五
劉孝儀	(南朝梁)劉潛撰 丁福保輯	一九三
鮑機	(南朝梁)鮑機撰 (明)馮惟訥輯	一九八
鮑機	(南朝梁)鮑機撰 丁福保輯	二〇二
庾肩吾	(南朝梁)庾肩吾撰 (明)馮惟訥輯	二〇三
庾度支集四卷附錄一卷	(南朝梁)庾肩吾撰 (明)張燮輯	二五三
題詞		二五三

目錄	二五九
卷一	二七九
卷二	三〇九
卷三	三三九
卷四	三七一
附錄	三九三
庾度文集 (南朝梁) 庾肩吾撰 (明) 葉紹泰輯	四一
庾肩吾 (南朝梁) 庾肩吾撰 (清) 嚴可均輯	四一七
庾肩吾 (南朝梁) 庾肩吾撰 丁福保輯	四三六
梁簡文帝集二卷 (南朝梁) 簡文帝蕭綱撰	
卷上	四六一
卷下	四九一
簡文帝 (南朝梁) 簡文帝蕭綱撰 (明) 馮惟訥輯	五四七

梁第二十二

詩紀九十五

北海馮惟訥彙編

鄚郡謝 陞校訂

蕭子範

字景則齊高帝之孫豫章王嶷之子永明中封岐陽侯拜太子洗馬梁天監初

位司徒主簿累遷南平王從事中郎復爲臨賀王長史簡文卽位召爲光祿大夫

羅敷行

城南日半上微步弄妖姿
含情動燕俗顧景笑齊眉
不憂桑葉盡還憶畏蠶饑
春風若有顧惟願落花遲

夏夜獨坐

節序值徂炎茲宵在三伏憑軒佇涼氣中筵倦煩
燠寂寞對空窻清踈臨夜竹蟲音亂堦草螢光繞
庭木簾月度斜輝風光起餘馥一傷年志罷長嗟
逝波速

東亭極望

晚流稍東急暝景促西暉水鳥銜魚上蓮舟拂芰
歸郊原共超遠林野雜依菲從君採蘿葛寧復想
輕肥

春望古意

光景斜漢宮橫梁照采虹春情寄柳色鳥語出梅
中氛氲閨裏思逶迤水上風落花徒入戶何解妾
牀空

望秋月

河漢東西陰清光此夜出入帳華珠被斜筵照寶
瑟霜慘庭上蘭風鳴簷下橘獨見傷心者孤燈坐
幽室

落花

綠葉生半長繁英早自香因風亂胡蝶未落隱鸝
黃飛來入斗帳吹去上牙牀非是迎冬質寧可值
秋霜

夜聽鴈

天月廣庭輝遊鴈犯霜飛連翩辭朔氣嘹唳獨南
歸夜長寒復靜燈光暖欲微悽悽不可聽何況觸
愁機

後堂聽蟬

試逐微風遠聊隨夏葉繁輕飛避楚雀飲露入吳

園流音繞叢藿餘響切高軒借問邊城客傷情寧
可言

入元襄王第

伏軾窺東苑收淚下玉橋昔時方轂處於今共寂
寥夾池猶裊裊仙榭尚迢迢一同西靡柏徒思芳
樹蕭

全梁文卷二十三

烏程嚴可均校輯

蕭子範

子範字景則齊豫章王嶷第六子永明十年封祁陽縣侯除太子洗馬梁受禪例降爵爲子歷後軍記室參軍司徒主簿丹陽尹丞太子中舍人出爲建安太守還除大司馬南平王戶曹屬從事中郎遷宣惠諮議參軍護軍臨賀王正德長史隨府遷信威長史領丹陽尹丞除中散大夫遷光祿廷尉卿出爲戎昭將軍始興內史還除太中大夫遷祕書監簡文帝卽位召爲光祿大夫不拜卒元帝追贈金紫光祿大夫諡曰文有千字文一卷集十二卷

家園三月三日賦

春亦暮止田家上巳時將礫於九門節方郊於七里扇習習之和

風照遲遲之華晷飛玄翮之士燕奪丹胸之山雉聊潔新而濯故
式東流之前軌居免上漏樹非榛栗既無擇於爽塏曾不訪於凶
吉右瞻則青溪千仞北觀則龍盤秀出與歲月而荒茫同林藪之
蕪密懽茲嘉月悅此時良庭散花藥傍插筠篁灑玄醪於沼沚浮
絳棗於泱泱觀翠綸之出沒戲青舸之低昂

戴文類聚四
初學記四

建安城門峽賦

原夫城門之所都迺設險於閭區艱難過於身勢襟要甚於飛狐
長湍一流而沸涌層山兩判而盤紆對巘雙分千霄帶雲怪石隨
波而隱見枯槎橫出而不羣顧瞻左右重巒接阜其間如礪其絕
如斗千乘馳輪匹夫可守巖崧呀呷蹴浪揚華雁門飲羽西施浣
沙瓊詭豐隆質狀不同班黃糅采玄紫潛通水奔湍其如電聲疾
烈其如風樹低柯而翠鬱潭隱日而青空

戴文類
聚六

直坊賦

并序

大四百九十五
小十九

余以天監六年爲洗馬十七年復直中舍之坊感恩懷舊悽然而作

歲惟奄茂清明送風承恩從官自府遊宮信吾生之多幸達六合之大同何坊禁之寥闕對長庭之蕪永門幽幽而重閉室悄悄而內靜應曉刻而坐朝聽鳴鐘而自警雖生風於蟪蛄終罕曜於陽景頗畱連於九思恆慙勤於三省於時也春果餘英夏條垂實殿穹窿而起陰槐連拳而負日傷高墉之邈迤觀層扉之鬱律寫學宮於洛都摹畫堂於漢室臺榭千名仙靈閒出

藝文類聚六十二

傷往賦

彼蘭菊之芳茂及蕖槿之榮色終於邑乎繁霜俱飄颻於路側引輕華之微珍猶見嗟於有識況獨立之妍媛信盈盈而挺直去倡家而來儀承君子之宴息摧麗容而思進豈蛾眉之肯抑詠美媵而自箴歌忠妾而爲式痛妖姿之不畱惜華年之中天冀羆祥之

永慶忽從颺而先標魂一逝而莫追夕有長而無曉惟君侯之惆悵覽遺物而霑巾帷半垂而將下尚仿像而疑真懷方士之良術顯有憑而致神

藝文類聚三十四

求撰昭明太子集表

臣聞姬旦云亡播禮樂於百代宣尼既歿傳雅頌於千祀夏啟之風載傳樂野周晉之迹止在洛濱入侍四公西京見美長壽一察東漢流名魏擊之悟篋衣事關戰國孫登之愛田苗義屬偏霸各稱小善靡擅雕蟲子桓雖詩賦可嘉矩範頓闕貽譏良史取誚前載備而爲論發輿允歸自少陽潛位震方滅采神儀長往銅龍毀構音顏緬邈舟壑遷移若乃緣情體物繁絃縛錦縱橫豔思籠葢辭林積練累素盈車滿笈金石有銷斯文方遠旣異陳王之躬撰又非當陽之自集臣蟬翼輕身未從塵露而班輸嚴駕永輟駢驂戀主懷茲伏深涕慕冒乞銓次遺藻勒成卷軸

藝文類聚十六

爲兄宗正讓都官尚書表

納言之授皇命所由五星懸暉差池紫宮之曲百官根本聯曹建禮之內孔蔡該博垂芳於兩京陳鍾合才比肩於魏世逖望前英俯循庸薄義無尸素禮絕祇奉

藝文類聚四十八初學記十一

爲蔡令樽讓吳郡表

今吳奧區地迫都輦譬彼西京則扶風馮翊方之洛下則潁川河內自非時雨之政解繩之才寧可奉共理之言承河潤之旨鄧攸廉白迺著不留之歌賀劭沈靜猶致題門之責

藝文類聚五十

到臨賀王信威府牋

上藩首佐於茲再忝河南雌伏自此重昇以老少異時盛衰殊日

雖佩恩寵還羞年鬢

梁書蕭子範傳

七誘

幽遁公子不遊義路不入禮門人主焉得爲臣公侯難以爲客有